

魯王避難在台州乙酉八月中原任山西僉事鄭之尹子鄭遵遁殺 清拒

使同張國維方國安等迎立魯王監國于紹興与 清兵跨江相拒屢戰

不勝又与浙中水火迭殺使者 清兵渡江逆譚先據賞入河將子英



依棲國安因謀以魯王投降降為入國計乃威逼王南行使兵守之守其
病王得脫登海船過東陽遁入舟山丙戌八月十六日事也

殉難後臣 清兵破我島上王寺張國維具衣冠南向拜作絕命詩

從容赴圜池死。兵部侍郎陳函輝哭入雲峰寺中作絕命詞公首

學文一篇埋骨祀一篇從容笑語扁戶自徑死。祀部侍郎王思任不

食死太僕少卿陳潛夫宿妻孟氏妾及姊妹解臂共沉而死。兵部

主事高公絕粒死。子汝宣為明赴水死。原任山西原事鄭之戶仇水死。
金華原任大學士朱六典合門焚死。按臣鄭為科臣有大膽不
屈同日殉難。孔部尚書正學任通政使馬思理俱自經。大學士亦
陸璟絕食死。兵部主事葉汝菴與書王代同殉。上

撫吳疏草目錄

張國維

報代疏

報溧陽焚搶疏

溧事解散疏

安慶增兵留餉疏

電災旱災疏

請免存留疏

回奏絹疋疏

入境糾劾疏

七年甄別疏

來令行取疏

叅蘇幕疏

回奏海禁疏

桐變等疏

報馘賊首疏

周理終養疏

徐道久任疏

顧善有移息疏

東屬請蠲疏

回奏沙田疏

回奏桐事疏

報地震疏

劾何令疏

報灾疏

西屬請蠲疏

請援兵疏

請防勦官兵行糧疏

請免八年贖緩疏

奉報聖諭疏

三請皖郡增兵疏

賊遁疏

魏別第二疏

東西屬災傷疏

再報東屬災傷疏

叅徽理疏

軍政糾劾疏

賊耗南犯疏

留安道免運疏

請蠲免東屬錢糧疏

江浦報捷疏

十一月

十一月

十一月

十一月

十一月

十一月

十一月

六 九年正月

九年正月

報捷再疏

潛太宿三縣請蠲疏

崇獄疏

江南請增兵疏

開河疏

緩徵甦驛疏

糾侯令疏

蠲災疏

上海縣

蠲緩存留疏

請蠲徭銀疏

江浦敘功疏

留新兵疏

回奏增兵措餉疏

請津糧改折疏

請免雜稅疏

留徽道叅池江防疏

二月

二月

二月

二月

二月

二月

四月

四月

四月

四月

四月

四月

四月

五月

六合請蠲疏

缺

九年五月

回奏迓并疏

七

五月

考滿疏

六月

高淳改折疏

六月

高淳水灾疏

六月

饒民截商疏

七月

太湖築城疏

有頁五十三末

七月

建平築城疏

七月

留安道久任疏

一頁

甄別第三疏

七月

回奏梅士杰疏

六月

入援疏

八月

督發援兵疏

八月

尹令治行疏

九月

再報援兵疏

九月

馮道留任疏

九月

徽屬南糧改折疏

九年九月

覆議設將疏

九月

十年留 覲疏

九月

虜遁捐助疏

十月

駁叅趙李疏

十月

調李令疏

十月

請免白糧脚耗疏

十月

留徽道免運疏

十月

九年大計科効疏

十月

去慶增募水兵疏

十月

回奏軍餉虛額疏

十月

報完敵臺疏

十月

方守攷績疏

十月

請兵援勦疏

十年正月

後 再請援勦疏

前 泰運官疏

正月

布置防勦疏

十年二月

馳援安慶疏

二月

報捷疏

城報第七次

三月

賊遁請蠲賑疏

三月

叅彭令疏

三月

回奏徽理案疏

三月

回奏錢瞿二宦疏

四月

請告疏

四月

五請皖郡增兵疏

四月

請兵援皖疏

四月

再請援皖防六疏

四月

題恤陣亡疏

十年閏四月

嘉定改折疏

閏四月

題補勞弁疏

閏四月

留牟帥駐皖疏

五月

皖屬請蠲疏

有

建平城竣疏

十年五月

貴建二令調繁疏

不全

請給勦餉疏

五月

桐城捷功疏

五月

太望城全賊退疏

十四頁

六月

題請浦令截俸疏

五

六月

請六合防兵疏

六月

五請安慶援兵疏

六月

請蠲安衛漕欠疏

六月

料理浦六疏

七月

題請涂令候考疏

七月

報六合賊情疏

七月

甘嘗道久任疏

八月

太倉獄疏

八月

題請六合築城疏

不全

續請優恤陣亡疏

八月

回奏張漢儒誣訐疏 十年九月

請告疏 第一次 十日

回奏周理疏 十日

姚官詹請卹疏 十日

回奏運軍疏 十日

再請高淳永折疏 十日

請蠲房稅漕糧疏 十日

勸除太湖太盜疏

甄別第四疏 十日

請蠲皖屬存折疏 十日

劾王倬舉黃令疏 十日

叅鎮守疏 十日

回奏海上備禦疏 十日

酌議素定漕折官布疏 十日

清理獄囚疏 十日

請豁太平府汰冗疏 十日

再覆沙田疏 十一月

再糾鎮守疏 十二月

官兵起行疏 不全

報獲番船疏 十一月正月

嚴宦存問疏 正月

再覆張漢儒誣訐疏 不全

逐欵登荅張漢儒誣訐疏 正月

太湖竣城疏 正月

叅溧陽運弁疏 正月

覆顧善有貼役疏 二月

懷寧船餉疏 二月

陳令復姓疏 二月

請蠲應屬輕費疏 二月

回奏蛇山事疏 二月

請蠲松屬虛派疏 二月

請蠲崑吳二邑漕折疏 三月

十年三月

題嘗守督糧坑

回奏禁止開鑿疏

少四頁

三月

清查武進錢糧疏

少四頁
重四頁

三月

請豁寧太浮派疏

少二頁
重一頁

三月

塘報捷音疏

三月

再報捷音疏

四月

擒溧陽大盜疏

四月

請減崇湖虛耗疏

十一頁

四月

侯道加銜疏

四月

回奏稷稷疏

四月

叅廖令疏

五月

報海寇疏

五月

旱災疏

初報

五月

早蝗分數疏

再報

八月

敘六合城工疏

少四頁

九月

李楊二令行取疏
二十一年十一月

買和抵兌疏
二十一年十一月

三請高淳永折疏
二十一年十一月

申宦存問疏
二十一年十一月

整擷入援疏
二十一年十一月

甄別第五疏
二十一年十一月

勦除海寇疏
二十一年十一月

參鄒令疏
請給遠米額耗疏
二十一年十一月

再請蠲緩安衛漕欠疏
二十一年十一月

遣將入援疏
二十一年十一月

報解行糧疏
二十一年十一月

四請高淳漕糧折色疏
二十一年二月

方守補道疏
二十一年三月

陳守補道疏
二十一年三月

回奏寧國溢地疏
二十一年三月

吳獄疏

十三年三月

繁昌竣城疏

四月

甦驛困疏

少賁

四月

東西兩屬增兵疏

四月

請蠲崇明冊餉疏

四月

六年考滿疏

十五

四月

進水利全書疏

五月

報皇疏

少二百

五月

調王令疏

五月

馮令行取疏

六月

回奏崔士生誣訐疏

六月

留湯道危押班疏

六月

援安慶疏

六月

甄別第六疏

八月

十三年留覲疏

少賁

十月

蘇松二守留覲疏

十月

周宦捐助疏

三年十月

糾葉令疏

十月

楊黃二令行取疏

十月

十三年大計糾劾疏

十月

調楊令補崇疏

十月

糾戴守疏

十月

回奏法馬疏

留金理疏

十月

請豁安慶典餉疏

報海寇疏

撫吳疏草

欽差總理糧儲提督軍務兼巡撫應天等府地方都察院右僉都御史張國維謹
奏爲謹報交代日期恭謝

天恩事臣原任太常寺少卿于崇禎七年二月十二
日准吏部咨爲缺官事內開該本部會同各部
都察院通政司大理寺公推題奉

聖旨是張國維陞都察院右僉都御史總理糧儲提
督軍務兼巡撫應天等府地方寫勅與他欽此欽

遵備咨到臣隨于本月十三日詣

闕叩頭謝

恩因聞流賊蔓延與臣屬安慶接壤水陸交警多事
之秋非臣子暇豫之日隨于三月十三日

陛辭越三日束裝就道不敢抵家將母叱馭兼程于

四月十七日入所屬六合縣地方准前任巡撫

右僉都御史今告病回籍莊祖誨咨送原領

符驗一道

勅諭十道

令旗八桿

令牌八面并書吏文卷等項前來接管到任行事

外伏念臣學唯咕嗶政乏循良克位掖垣自愧

孤鳴之鳳濫竽清秩何當一足之夔蒙我

皇上不以臣為不肖畀臣節鉞填撫江南夫江南乃

財賦之源灌輸天下之半而征繕繁重水旱頻

仍闐闐蕭條帑藏懸罄所需于經理撫綏者至

急是以臣甫受

命卽具有江南劇署半虛財賦徵輸虞缺等事一疏
業蒙

聖明睿照

勅部速補仰見我

皇上留心本計俯悉臣隱轉念臣所轄之地東際滄
溟爲海寇之薦窺西界斬黃慮賊氛之颺突中
苞洞庭太湖之險尤萑苻戎莽之資徽寧接壤
時虞鈔掠而旣郡之備禦未講宜與之狂逞重

聞尤厝火積薪之憂也當此艱難之會卽技若
庖丁尚恐無奏刀之地况臣碌碌如族庖者乎
所恃者

皇上日月之照明于洞垣臣工矢心任事者無腹心
不見之慮耳竊聞忠信可以度呂梁之水愚誠
可以移王屋之山今臣一念朴忠通身血性知
無不爲爲無不竟決不敢因循苟且粉飾鋪張

或可比于北山之愚人河梁之丈夫乎總祈有
利地方有裨

國計不愧生平無負

簡書而後少盡區區報塞之忱庶幾仰荅

高深于萬一也臣下情無任瞻

天感

恩激切屏營之至爲此具本專差

謹具奏

聞

崇禎七年四月廿七日具

題五月廿三日奉

聖旨知道了根本重地張國維着殫力撫綏以副委
任該部知道

報溧陽焚搶疏

題爲溧陽搶攘再告謹先據報上

聞事臣蒙

聖恩

簡撫江南叱馭星馳于前月二十四日抵蘇州衙門
上任越三日循例恭謁

孝陵行次句容縣淳化鎮地方據溧陽縣知縣李思恂
申爲申報地方事內稱本月二十八日據典史

吳燴申稱據陳鄉官單開陳伯庸店房三間于
二十七日夜四更時分燒燬等情據此看得戴
埠罡黨仍效宜興近習燒燬陳伯庸店房三間
未知釁起何因亦未知誰爲渠首事干不法先
爲申報等因本日又據該縣申爲再報地方事
內稱除前燒店房差役稟報外仍卽差坊總楊
正佾探訪報稱于二十八日午後將陳鄉官新
舊住宅并房屋盡行燒燬地干縣屬職卽刻前
往彼地欲行勸諭豈衆烏合鼓譟并燒陳宦所
置戴埠鎮店房一段暫將附近居民出示招安
其內夥黨四下尋覓陳宦祖塚等情據此除一
面設法解散并調兵快緝勦外合再申報等因
前來又據應天府申報相同臣念事關地方變
異隨一面星委應天府江防治中鄒得魯前往
溧陽縣設法弭亂緝撫竝行一面大書榜示發
縣禁戢擒渠散黨安輯無辜宣諭

朝廷恩威以靖地方外該臣看得溧宜二邑錯壤素稱俗悍民刁人情最易蠢動上年效尤構釁屢奉

宸綸嚴飭卽應畏法革心豈臣未入境已聞空輿于四月初七十五等日焚掘再見臣不勝

根本之慮故甫渡江卽遍行曉諭示以鋤惡安良救寧衆志幸蘇松按臣祁彪佳威惠交孚倉卒定變常鎮道臣徐世蔭緝擒迅發解輯有方以故倡首元兇隨起隨縛正候按臣會疏具

題不意溧陽復有此舉動踵上年效尤之故智也惟溧陽隸在西屬臣駐劄衙門在東屬之姑蘇向來東西兩屬每苦鞭長不及若非臣以初任謁

陵之役道經溧之鄰邑句容則此兇橫情形未能相聞之速其間委官頒示區處機宜亦未能朝發夕至卽遏狂謀也臣原擬謁

陵告竣卽就近巡行安慶振飭防守相度險要率諸司
照臣入境以後所飭屢檄力圖未雨綢繆不意
溘變復興又不得不暫駐旬容相機行事臣熱
血一腔不知有情面不敢執偏見唯有爲地方
計安危爲

朝廷守法紀已督道府縣協力殫心務在刻期底定
決不容蔓延滋害以煩

聖懷也伏念關係地方之事例應候道臣報至與按
臣會

題今應天按臣李右讜巡歷安慶安池道臣王公
弼奉

旨移駐安慶距溧千里而遙臣胡敢拘會

題之例往返耽延以昧有聞必

告之義乎俟原委治中鄒得魯查明始釁根因倡禍
首惡的有確據另疏具

題外謹先據報上

聞伏乞

勅部查核施行

崇禎七年五月初七日具

題五月二十九日奉

聖旨奸民焚掘事情豈容屢見地方官平時何無禁
戢消弭張國維受事方新著速擒倡亂渠魁盡法
重懲仍一面曉諭解散餘黨以靖地方其起釁根
繇并查明具奏該部知道

溧事解散疏

題爲再報奸民解散略陳構釁情形仰祈

聖鑒事竊照臣甫任三日卽聞溧陽焚劫之事已經
具疏奏

聞一面駐劄句容相機緝撫本年五月初七日據知
縣李思恂申稱卑職遵奉憲行前往撫諭擒獲
渠首周文南等五名餘黨已先解散尚有未獲
匪首數名嚴緝另報再有任姓爲掘墳兇首情

罪自是深重卑職經過之後遙見彼處火起查
爲陳海珍陳海正等放火報復仇固可報然搶
攘間多一番釁端等因前來臣隨嚴批并拿陳
家放火報仇兇犯正罪速解去後又據臣原委
江防治中鄒得魯呈據該縣申稱戴埠焚掘之
變大略奸民思逞何事不可借題春初有罡首
任希祿叔侄等搬戲倡亂奪盜拒捕種種不法
卑職執而究之通詳在案繼乃執其父而釋其
子名繼龍者陳僕遇之于途聞其毆辱牛
有打罵陶子化之事卑職曾執其僕重責二人
釁端非一等因後解周文甫等赴職研審直招
無辭職仰體憲臺德意親往戴埠諭以禍福動
以良心悚以

王法永杜後爭等因前來又准巡按應天御史李右
讜會單內稱戴埠焚掘一事前案部中尚未議
覆及查二月十四日本院未入境之先據該縣詳稱

戴埠居民任希祿等違禁演戲拒傷官差已獲
拿首犯監禁等因前來臣今據廳縣之申文合
於按臣之移會則知春初倡亂抗官之事已在
臣未任之先禍之相尋而不可解非朝伊夕矣
今日事已解散臣正在嚴限審招奏

奪乃聞有寃帖一紙具說仇怨之情內有一段云陳
宦獻策揚言與臣同年將借臣殄滅之以大快
其宿忿臣聞之不勝駭異夫以同閭共里之人
而怨毒至此釁豈無因自應窮治獨怪此倡亂
者不顧

王章

國法火人之居發人之塚如寇賊之過都歷塊然
且畏臣

簡書之靈先爲此譎詞以制臣手足欲圖吞舟之漏
此其設機最險設局最巧矣臣天性孤耿面目
嚴寒自爲賤有司時已能獨立不懼今致身風

霜之地又藉

皇上寵靈豈復有所瞻徇況

陛辭之後途中不見一人不接一刺萬耳目之所共
睹何未受事而先有虛弦之驚乎此不根之詞
無足置辯然亂亦不可不沮也獄亦不可不平
也謹據廳縣詳覆彼此禍端胥列以

聞惟

皇上明罰敕法臣得而奉行焉除一面平情執法以
圖善後外合先具

題伏祈

聖鑒施行

崇禎七年五月十七日具

題六月初八日奉

聖旨撫臣受任鎮綏凡禁暴除殘務期安靖地方奏
內寃帖譎詞等語奸計顯然張國維着一意秉公
平獄不得瞻徇該部院知道

安慶增兵留餉疏

題爲重地卑弱可虞設兵萬難刻緩謹一面召募
以濟燎眉懇乞

皇上垂念

留都門戶准留餉以固根本之圖事竊炤流賊自
渡河入楚之日諸臣建議者咸以安慶爲慮臣
故拜

命之後

陛辭星趨不敢抵家塗次借闕邸報見河南道試御史韓一光題爲腹心之寇不可玩要害之防不可疎等事奉

聖旨安慶重地乃餉缺軍虛全無查飭撫按官所職何事卽着嚴加稽核如有市棍豪僕包克等情盡行懲革另設法選練併饒南積欠軍糧經管各官查明叅處仍一面勒限完解每歲照例考成知府員缺作速遵補其餘事宜該部看議具覆欽此欽遵仰見

廟堂嚴切至意臣未受事而凜凜懷懼矣四月十七日入境尚未抵姑蘇任卽嚴檄安池道確議設兵防禦機宜節次檄催于五月十五日據該道左布政使王公弼覆議前來五月二十日准兵部咨大略謂安慶武備久弛衣甲器械百無一備御史韓一光扼腕入

告桐城潛山等縣議添陸兵望江縣小孤山等信地

議添水兵亦要區備禦急着措餉一節卽引淮
揚事例上

請其爲地方計誠難異視在安慶實爲無米之炊然
奉

明旨謂巡江御史守禦衙門建設駐劄處所宜確查
舊制因何改易又要害地方必有額兵防守何待有
事輒增此皆韓御史疏中原未詳悉是在該撫
按查確定限本年六月初旬明白具奏等因到

臣該臣謹會同巡按應天等處監察御史李右
謙看得流賊蔓延楚境安慶之當增防也舉

朝知之矣臣屬俱在江南惟安慶孤懸江北去臣
駐劄之地千有餘里以襟帶長江論上之則鄱
陽又上之則洞庭順風揚帆數日可抵城下該
府軍伍久缺廩無半粟望江一城如斗從來不
設兵設械最爲孤危以背負險阻論桐城地連
廬江北峽關最稱險要而宿松縣界接蘄黃潛

山太湖兩縣界接英霍六安數百里皆長山大嶺極易嘯聚不惟無兵無械而且無城如賊奄至望其與之相持也得乎臺臣憂切桑梓以水陸增兵之議激切入

告誠萬不容已之急着也及部

覆奉有要害地方必有額兵防守何待有事輒增之明旨則防守要害之不可無兵

聖明已明見萬里矣臣今日非有兵而求增也正以無兵而不得不設耳向來此地綢繆戶牖重在江防沿江營哨皆係水兵而陸則無之惟府城國初額軍五千七百餘名屹然重鎮宿兵原有深意宣德年間因承平無事改調二千餘名于河間涿鹿懷來等衛原額十去其五矣近自漕糧民運改爲軍運以二千名運糧又以二百名充南京班操軍又有屯差局差等項若干又十去其八守城益無幾矣况年來影占數多操練無聞

缺糧枵腹不惟不可用而且重可虞乎至于安屬如潛山太湖宿松彈丸蕞爾與楚接壤今流賊入楚凡隣境皆屬洶洶太宿更當商賈之通衢市店稠密賊所垂涎倘楚省官兵追勦勢必南向狼奔無兵不可戰無城不可守而郡城脆弱之軍又不能應援各屬危郡城卽爲孤注無論賊計之犯皖與否而滋蔓江之南北其禍將有不可言者則向來不設額兵之地正今日最要害之地也前撫臣莊祖誨調吳淞兵六百名徽寧兵三百名以防安慶但徽寧兵額原寡山賊時虞竊發不能久戍吳淞邊海要衝調去六百名空虛寔甚目下正當汛期臣與道鎮日夜憂慮今年防汛倍加恣飭幸保無虞然海賊震隣衝邊豈容示弱兼戍兵行糧地方蒿目無措則吳淞之兵萬萬不可不撤回者也今欲壯軍聲以援各屬非多兵不可而時值空乏難以取

盈除小孤等信地添設水兵係操臣職掌聽操
臣另議外其防陸之兵約用一千名另設陸營
官統之斷不可少臣與道臣再三確議似一千
健兒一時難以遽募先募五百名另於操軍內
挑選精壯健勇五百名除月糧外再加給餉銀
以資飽騰庶一旅之勁軍目前可以稍濟應募
之未及也設兵必先儲餉此中別無措處部

覆已明言安慶爲無米之炊矣惟有比齊豫楚黔請
留新餉事例可以濟急此係

陪京鎖鑰比他處尤爲不同諒

聖明所亟注意者合筭兵一千名每月廩糧等項約
用餉銀一千兩每年留餉一萬二千兩在太倉
不過九牛之一毛而江表實藉苞桑之力也然
兵機介在呼吸若候部

覆而後召募未免耽延數月一旦有事恐爲空拳之
張矣謹一函召募一函具題所

請餉銀權宜先動求以救寧重地計不得不出於此也抑臣尤有請者兵不素訓不能應卒今久弛之軍伍臣初任方行挑練而兵正在議募未盡就緒萬一賊勢南潰乞預

勅南 兵部速調營兵淮揚撫臣速調已練之兵星馳赴援庶聲勢張而緩急有濟總之安慶固則畱都與江北皆可安枕非臣一隅之事也至于池州太平兩府皆濱江而峙並爲

留都上游向來無兵然猶恃安慶爲藩籬容臣等確議措置另疏上

聞今不敢與最衝之地竝請也伏乞

勅下該部速覆臣等遵奉施行

崇禎七年六月初一日具

題六月十九日奉

聖旨據奏安慶額軍影占數多若能清查補伍挑選操練自足資守禦且鼓勵鄉勇屢旨嚴飭何未見

實心奉行但請增兵留餉奏內事情該部確議速
奏

雹災旱災疏

題爲地方異嘗冰雹二麥損傷謹據實奏

報并再懇

聖恩寬恤事崇禎七年五月二十三日據常鎮兵備
道副使徐世蔭呈奉臣批據常州府江陰縣署
印同知蔡如葵申稱本縣于四月初七日申酉
時候忽然東北一帶黑雲彌蔽雷電震作狂風
冰雹霎時傾下民間驚異災變非常卑職即時

着各地方查報隨據寶池順化西順清化等鄉
民人鄔宇顧科等各具呈前來職于次早親歷
各被災地方勘驗委果在田二麥盡皆摧碎如
壑民間男婦悲啼遍野職目擊慘傷實切痛心
當青黃不接之際何堪值此異常災變

國計民生深爲可慮等因奉批仰嘗鎮道勘實電
災分數速報又奉批據靖江縣申據通縣耿公
等團居民朱明蕭志學等呈詞該本縣知縣唐
堯俞查勘得靖江孤僻偏邑海罹

天災乃自舊年六月二十五日風潮頃作民半爲魚至
九月十八日淹沒未盡穀菽稍成又值風災吹
折已蒙

題報十分重災全賴二麥接濟不虞四月初七日
未刻西北作雲漸至東南至申刻惟風怒吼轟
雷震空雨兼冰雹交下間多石塊頃刻堆積盈
尺道途行人擊傷手足頭額者不可枚舉飛鳥

亦多折翅而墮屋瓦擊如飛燕麥苗槩作腐泥
初八日黎明災民數千泣告求賑卑縣即刻親
詣受傷之處逐一勘驗靖邑十團耿公團受災
獨甚中州丁墅次之元山長安又次之黃白啼
號塞滿道路職日擊心慘多方撫慰除一面核
實荒數另文申報請恤等因奉批據詳靖邑水
災獨甚仰常鎮道確查分數速報又奉批據宜
興縣申稱本縣去歲被災歉獲小民俯仰無資
不意四月初七又遭冰雹之變以致垂成之麥
槩爲損傷日據災民紛紛呈告實切堪憐除見
行踏勘造冊申報外伏乞速賜具

題拯救等因奉批仰道勘確候彙疏題

請繳又奉批據鎮江府丹陽縣申稱四月初七日

天大雨雹盡殺菜麥據里長王文棟潘軒等所呈或謂
打爲泥粉或稱盡作平土老幼悲號哭聲振地
草瘠轉散俱不可知窮濫爲非是亦可慮卑職

萬目焦心計無所措惟冀彙轉上

聞仰徽

浩蕩等因又奉批據金壇縣申據里長王深包璫等
呈詞該本縣知縣柯友桂查勘得本縣接罹三
載旱荒民無聊生所望二麥稍登可濟旦夕目
今輒遭冰雹爲祟傷殘麩麩絕望收成而人情
惶切

國課攸關伏乞本院軫念具

懇幸徽

寬恤等因奉批地方冰雹爲災已檄該道查明今獨
壇縣報至仰道一面覆確一面嚴催各邑詳報
分數速速奉此遵依轉行各府督令各縣印官
詳加勘確被災分數具報去後催據常州府申
據江陰縣署印同知蔡如葵冊報勘實寶池西
順清化等鄉災田共一十三萬三千八百三十
二畝六分零垵一千二百一十六畝七分五厘

內九分災田四千三十二畝三分八分災田一
萬五千七百一十五畝六分烽一千二十四畝
三分七分災田一萬二千六百六十畝四分九
厘烽九十六畝五分五厘六分災田一萬九千
七百二十五畝八分五厘烽五十九畝一分五
分災田六千二百八十九畝九分九厘烽三十
六畝八分四分災田六千一百七十八畝三分
三分災田六萬九千二百三十畝一分五厘等
因又據宜興縣知縣石確冊報勘實開寶洞山
等區災田共一百二十八萬五千三百一十畝
三分五厘內三分五厘災田二十七萬七千六
百七十畝五分九厘三分災田五十萬七千二
百三十八畝四分一厘二分五厘災田五十萬
四百一畝二分五厘等因又據靖江縣知縣唐
堯俞冊報勘實耿公中洲等團災田共一千八
十二頃六十五畝五分內十分災田一百九十

九頃八十七畝七分九分災田一百一頃七十
九畝八分災田一百七十七頃二十一畝四分
七分災田一百五十六頃九十四畝六分災田
一百一十五頃五十九畝三分五分災田一百
六十六頃六十七畝五分四分災田一十九頃
八十六畝三分三分災田一百四十四頃七十
畝三分等因各另造冊送府覆核轉呈到道又
據鎮江府申據丹陽縣知縣王範冊報勘實三
五等都一五等圖災田共五千六百五十六畝
六分內八分二厘九毫災田二千三百二十畝
五分八毫災田三千三百三十六畝六分等因
又據金壇縣知縣柯友桂冊報勘實一五等區
二六等都災田共四千四百九十七頃畝零內
全災田三千二百九十二頃七分災田一千零
四頃五分災田二百零一頃畝等因各另造冊
申府轉呈到道該本道看得道屬上年風潮蟲

早三災洊臻業共駭爲不經見之奇事今春夏之交青黃不接窮民嗷嗷待賑有司方設處無謀本道每見二麥將熟深爲地方慶幸不意四月初七之夜冰雹震作將所過之處無不摧殘時本道自常熟回巡沿途一帶親勘逼真雖地有遠近不一傷有輕重不同如江宜靖陽壇五縣之內全災半災者有之三分七分者有之惟靖邑之民去歲受慘最烈今歲被災更多此又本道之目擊而心悲者也至于宜邑當捨攘之餘民多凋敝尤宜加意撫綏然小民呼籲之情

雖切

蠲恤之望但今京儲告匱司農司馬之催提何項不

緊見徵望

蠲知必不可得之數竊念

聖恩浩蕩崇禎二年以前未完錢糧已奉查核列

奏三年以後似可徵

恩緩徵伏望憲慈早爲

請命揀此五邑之遺黎俾得三年以後未完帶徵一分目前稍寬民力是亦奠安根本之急著也等因具詳到臣該臣謹會同巡按蘓松等處監察御史祁彪佳看得三吳賦稅倍于往昔災沴困于連年民之愁困匪伊朝夕矣江宜靖陽壇五縣自風潮蟲旱洊稜之後所恃者續命之二麥或徵五風十雨之休庶甦羸可起半飽有期不意四月初七日復有非常之雹災也雹挾石而下其勢如礮行人飛鳥尚爲所傷况此離離之麥而不摧折乎是小民一綫之望竟成梁間之塵其哀號慘切真有不忍見聞者雖四邑之中有全災半災三分七分之間別獨靖邑僻處江中往歲已受災傷今復重罹此變則此邑首當加意而臣更鯁鯁隱慮者蓋謂東西盜作處處萑苻惟此江南一塊土尚稱安謐然百年未有之

災頻年洊告恐不聊生之民走險而不擇也臣等念切痼瘼亟欲爲民請命第時事維艱司農仰屋旣不敢忘

國計而議賑蠲然流離載道觸目傷心又不得不計緩徵而予生路伏念崇禎二年以前未完錢糧業徼

聖恩浩蕩通行查核請

蠲則此災上加災之民呼籲最切者更當以三年以後未完錢糧併徼

如天之德每年帶徵一分以示寬恤者也然此數邑之災已不堪命乃更有大可憂者入夏以來全吳皆苦恒暘長河之內僅容芥舟青野之中惟有旱草鑿隧徒爾爲其勞桔槔無所施其械至今六月黍稷方華之候而秧猶未浴倉箱已竭泛舟不來米價翔湧每斗至百四十錢尚無稱貸浸假而五日十日猶然無雨則一穀二穀難

撫吳疏草 卷
望其升將東南數百萬之生靈倚何爲命西北
數百萬之供億從何灌輸其可寒心孰甚臣側
身省咎率屬齋戒素角祈禱與縉紳耆老朝于
壇壝而夕于祠祀靡愛其力第恐德微誠薄不
足以致甘澍唯藉

皇上之靈與

國家之福或變咎徵爲休徵轉恒暘爲時雨庶吳
民有郇伯之咏而臣亦不必繪鄭俠之圖矣併
祈

聖鑒勅部覆議施行

崇禎七年六月初一日具

題七月初三日奉

聖旨該部知道

請免存留疏

題爲仰體

皇仁敷陳民隱伏乞

特賜寬恤迓春和之滋至永

泰運于無疆事案查接管卷內崇禎六年七月十八

日准戶部咨該本部題覆前事本年六月初五

日奉

聖旨奏內里甲虛糧解運鹽丁諸苦着該撫按責成

地方官悉心釐剔務清積弊私稅私鑄尤屬不法
犯者按律究處存留錢糧既奉旨蠲免二分有司
何得十分全徵違詔厲民還着通行查明據實具
奏欽此欽遵備咨前來案經前撫臣莊祖誨牌行
應天府蘇常安徽四道備查各屬崇禎三年存
留項下錢糧于奉
旨之後曾否蠲免二分有無違

詔全徵詳加核

去後節檄嚴催據應天府府

尹詹士龍呈案炤崇禎二年三月初九日蒙

南京禮部頒發

恩詔內款開崇禎三年天下稅糧除起運外存留者
准免十分之二以蘇民困府州縣預行刊石曉諭
諭使百姓通知等因奉此隨經通行各縣曉諭
將崇禎三年分會計內存留稅糧遵炤減派十
分之二今蒙憲檄查得本府屬上元等八縣俱
遵

恩詔免徵二分並無違

詔厲民十分全徵等因又據嘗鎮帶管蘇松兵糧道
事副使徐世蔭呈稱先據蘇州府知府陳鍾盛
申稱崇禎二年奉

詔蠲免存留二分比時前府史應選細查此項錢糧
乃各官之俸衛軍之糧恤孤之口食如其扣減
則日用有缺是以比炤萬曆三十三年舊例以
會計派剩米議詳抵免且存留應

計該米二萬八千八百餘石而派剩米則有三
萬二千之多又蒙前道徹底清查申明永除迄
今五年于茲小民均得免派是不惟是年得沾
雨露之恩卽千百年仰沾

聖恩于無窮矣等因詳道轉呈本院駁行覆核無異
又據松江府署印同知張時雍申稱崇禎二年
會計三年歲用存留錢糧奉

詔蠲免先該知府方岳貢遵將存留款目造冊請詳

各院炤法派行內將織染局匠口糧裁免一百七十名減銀四百八兩蠲免於民等因各具詳到道該本道覆看得存留蠲免二分乃

朝廷子愛元元嘉與休息至意凡爲臣子敢不凜凜奉行惟夫存留有限非官吏養廉之需卽軍士果腹與孤貧活口之資按日計編並無餘溢故蘇州府不得已而以會計派剩米三萬二千餘石抵作應蠲二分之數前雖一時議裁今茲遂爲永除矣至於松屬亦經該府議詳酌蠲局匠口糧銀四百八兩驗法派免是民方歌

帝澤于無疆烏敢謂蠲之而無實也等因又據嘗鎮道呈據嘗州府知府王觀光申稱本府所屬額編稅糧除起運外其存留本折係府縣官吏師生俸廩等項歷年派徵爲數不多案查該去任知府石萬程接奉

恩詔欵開蠲免十分之二隨于崇禎二年六月內通

行所屬各遵炤減免存留二分計武進縣減編銀一百九十六兩七錢三厘零無錫縣減編銀一百七十八兩四錢八分七厘零江陰縣減編銀一百五十四兩九錢二分四厘零宜興縣減編銀一百七十九兩三錢九分七厘零靖江縣減編銀九十五兩一錢八分六厘以上通共減免銀八百四兩六錢九分七厘合行申覆等因又據鎮江府知府王秉鑑申稱查得該年一應存留錢糧自奉

戶立

恩詔該陞任知府陸懷玉俱經遵行減免二分並未十分全徵計丹徒縣減編銀一百六十九兩八錢七分二厘丹陽縣減編銀一百六十兩九錢八厘金壇縣減編銀一百五十五兩三錢四分以上通共減免銀四百八十六兩一錢二分等因各另造冊申送到道該本道覆看得嘗鎮二

郡崇禎三年存留錢糧奉

恩詔蠲免十分之二煌煌

明旨誰敢背違本道仰承憲檄隨行兩府嚴查據報
該年本折存留俱已遵

詔免徵二分覆查已確似無異同等因又據徽寧道
右叅政盧洪珪呈稱蒙兩院憲牌隨行徽寧廣
三府州查報去後續據徽州府知府陸錫明呈

稱蒙兩院本府先蒙前任撫院憲示奉

旨崇禎三年分存留一應錢糧十分免二等因到府
先經遵依刻示牌行各縣遵行訖今蒙按院遲
御史憲檄清查前因本府復行欵休等六縣逐
一查報據各縣回稱崇禎三年分一應存留錢
糧遵奉

冊立恩詔徵八免二以普

皇仁以寬民力並無違

詔屬民等因又據寧國府署府事推官范志完呈稱

行據宣城等六縣查報崇禎三年分一應存留
錢糧自奉

冊立恩詔已經免徵二分不敢違

詔厲民等因又據廣德州知州郭若維申稱查得崇
禎三年分存留稅糧免徵十分之二先經署印
州判商周祺遵奉

恩詔如數蠲免共免過銀三十五兩一錢三分零編
入會計免徵于民會計可查等因各詳到道該
本道覆看得崇禎三年分一應存留錢糧奉檄
通查徽寧二府屬并廣德一州自奉

冊立恩詔業皆遵依免徵二分在卷擬合詳報等因
又據安池道左布政使王公弼呈稱蒙本院憲
牌隨經備行所屬查報去後催據去任安慶府
知府田大本呈稱行據懷桐等六縣申報崇禎
三年分經徵存留錢糧遵奉

恩詔十分之內委果炤例免徵二分並無厲民全徵

等因又據池州府知府孫如洵呈詳查得本府屬縣存留稅糧每年共額該銀三千六百九十兩六錢三分零崇禎三年分奉

詔蠲免十分之二隨行貴池等六縣遵炤免徵二分已將該年額徵各銀數目造報訖等因又據去任太平府知府孫如蘭呈稱查得所屬當蕪繁三縣崇禎三年分經徵一應存留稅糧各縣遵奉

恩詔蠲免十分之二已經免過米一千三百四十九石零折色銀一千一百七十九兩零各屬俱經遵行曉諭免徵訖並無違

詔十分全徵等因各呈報到道爲炤所屬安池太三府屬縣額徵存留各項錢糧崇禎三年分奉

詔蠲免十分之二業已通行各縣遵炤各欸實徵八分蠲免二分比卽揭示小民通知並無全徵厲民旣經各府查明回報無庸別議各等因呈報

在案該臣接管覆核無異謹會同巡按應天等處監察御史李右讜巡按蘇松等處監察御史祁彪佳看得崇禎三年

冊立

青宮

恩詔蠲免存留新糧二分薄海內外疇不共慶從來未有之

皇仁按臣祁彪佳班行時仰遵

德意俯恤民巖恐有蠲之名而無蠲之實故披瀝入告奉有違詔厲民還着通行查明之

旨仰見

聖德如

天痼瘵在念當時守令諸臣其間奉行雖有盡善未盡之分然皆迫于時事之掣肘經費之莫支無敢有故違者如西屬之應安池太徽寧廣七府州悉炤庫貯存留各項減免十分之二惟官生之

廩餼工食計部未曾開明致未槩免若東屬之
嘗州府則止議蠲八百餘兩在鎮江府則止議
蠲四百八十餘兩蓋兩府之所蠲者止官生俸
廩等項而未及于他故蠲數止于此耳若蘇州
府則以派剩米抵不知剩米不待蠲而免而非
二分之數也若松江府則以局匠口糧抵不知
口糧止存留一項而非槩二分之蠲也要之存
留錢糧強半軍兵糧餉計口授餐勢不能于此
項議蠲在他項亦計用派徵歷歲有訕無盈亦
不能以必用裁省是以

浩蕩皇恩難滿窮簷奢望固非有司之敢于不遵

明詔也臣念

聖祚無疆

大慶駢集自今以後之

恩赦或得起運存留一槩量蠲數寧少而
恩必普此在

皇上有加無已之仁小民引領而望臣等額手以幾
者也至于各屬所蠲之數未及二分查本年尚
多民欠計部原有帶徵項下題

請實蠲之議容臣等查出以副

皇上加惠元元至意伏乞

敕部覆議上

請再炤此件按臣具

題之時正臣循例謁

且值溧陽焚燒之變又移駐句容與按臣巡歷
之地東西相距遙遠故不及同時拜發并祈

聖鑒施行

崇禎七年六月初八日具

題七月初七日奉

聖旨該部知道